

Turkiston

1925-yildan chiqqan boshlagan

«Kamolot» yoshlar ijtimoiy harakati Markaziy Kengashining nashri

www.turkiston.uz

2014-yil 21-may, chorshanba № 39 (15781)

ЎЗБЕКИСТОН ВА ХИТОЙ ЎЗАРО МАНФААТЛИ ҲАМКОРЛИКНИ МУСТАҲКАМЛАМОҚДА

Аввал хабар қилинганидек, Ўзбекистон Республикаси Президенти Ислон Каримов Осиёда ҳамкорлик ва ишонч чоралари бўйича кенгашнинг IV саммити йиғилишида иштирок этиш учун Хитой Халқ Республикасига ташриф буюрди.

Ўзбекистон Республикаси Президенти Ислон Каримов ва ХХР Раиси Си Цзиньпин 20 май куни Хитой раҳбарининг Шанхай шаҳридаги қароргоҳида учрашув ўтказди. Сухбат чоғида томонлар мамлакатларимиз ўртасидаги ўзаро муносабатларнинг бугунги ҳолатини юксак баҳолади ва ҳамкорликни янада ривожлантириш истиқболларини белгилашда бундай учрашувлар муҳимлигини таъкидладилар.

Давлатимиз раҳбари ўзаро ҳамкорлик изчил ривожланаётганини қайд этиб, Хитой раҳбарига самимий қабул учун миннатдорлик билдирди.

ХХР Раиси мамлакатларимиз ўртасидаги стратегик шерикликни мустаҳкамлаш тарафдори эканини таъкидлади. Си Цзиньпин Ўзбекистон раҳбари билан бундан буён ҳам яқин шахсий мулоқотни давом эттиришга, икки томонлама муносабатларда «янада юксак марраларга эришиш учун барча саъй-ҳаракатларни ишга солишга» тайёр эканини қайд этди.

Хитой раҳбари давлатларимиз ўртасида минтақавий ва халқаро масалалар юзасидан ўзаро ҳамкорликни янада ривожлантириш лозимлигини таъкидлади. Си Цзиньпин Ўзбекистон минтақадаги муҳим давлат эканини қайд этиб, Осиё мамлакатлари ўртасидаги ишонч, минтақада тинчлик ва барқарорликни мустаҳкамлаш, ижтимоий-иқтисодий тараққиёт борасида мамлакатимиз билан ўзаро саъй-ҳаракатларни бирлаштиришни таклиф этди.

Хитой Халқ Республикаси Раиси Си Цзиньпиннинг 2013 йил сентябрь ойида Ўзбекистонга илк давлат ташрифи икки томонлама муносабатларни ривожлантиришда тарихий воқеа, мамлакатларимиз ва халқларимиз ўртасидаги муносабатларнинг тобора мустаҳкамланиб бораётган асосларининг амалий ифодаси экани таъкидланди. Тошкентда бўлиб ўтган музокаралар якуни бўйича Ислон Каримов ва Си Цзиньпин Дўстлик ва ҳамкорлик тўғрисидаги шартнома ҳамда Икки томонлама стратегик ҳамкорликни янада чуқурлаштириш ва ривожлантириш ҳақидаги қўшма декларацияни имзолади. Шунингдек, техник-иқтисодий ҳамкорлик тўғрисида ҳукуматлараро битим, иқтисодий, молиявий, нефть-газ, таълим соҳаларидаги муносабатларни янада ривожлантиришга қаратилган қатор ҳужжатлар имзоланди.

Айни пайтда Ўзбекистон билан Хитой ўртасидаги алоқалар Дўстлик, ҳамкорлик ва шериклик муносабатлари тўғрисидаги шартнома ҳамда Стратегик шериклик ўрнатиш тўғрисидаги қўшма декларация руҳида барча соҳаларда ривожланмоқда. Ўзаро манфаатдорликка асосланган ушбу ҳамкорлик муносабатларнинг барча йўналишларини қамраб олган. Бунда давлат раҳбарларининг ўзаро ишонч ва хурмат руҳидаги шахсий мулоқотлари муҳим омил бўлмоқда. Олий даражадаги учрашувлар ва ташрифлар мунтазамлик касб этган.

(Давоми 2-саҳифада)



Рустам Назарматов олган суратлар

Симфониёга бурканган баҳор

Mustaqillik yulduzlari

«Туркистон» санъат саройида Ўзбекистон Ёшлар симфоник оркестрининг илк концерти бўлиб ўтди

Жонли ижро, ёрқин анимациялар, виртуал шоу элементлари... Ўша кеча юртимиздаги энг кучли овоз соҳиблари ва уларга жўр бўлган Ёшлар симфоник оркестри санъат саройининг ёзги саҳнасини ларзага келтирди. Концертга келган юзлаб томошабинлар — классик муסיқа шайдолари ва хорижлик нуфузли меҳмонлар ёш опера ижрочиларимизнинг маҳоратига тан беришди.

Ёшлар симфоник оркестри тўқсон икки нафар виртуоздан ташкил топган. Аксарияти турли халқаро танловларда ғолиб бўлган ёшлардир. Оркестрантлар жорий йилда илк маротаба ўтказилган «Ёшлик баҳори» ёш

опера ижрочилари фестивали доирасида сараланди. Мазкур лойиҳа Маданият ва спорт ишлари вазирлиги ҳамда «Камолот» ёшлар ижтимоий ҳаракати ҳамкорлигида амалга оширилди. Танловда республикамиз худуд-

ларидан жами 55 нафар яққохон хонанда ва санда, учта хор жамоаси қатнашди. Иштирокчилар орасида нафақат олий таълим муассасалари, балки муסיқа йўналишидаги академик лицейларда таҳсил олаётган истеъдодли йигит-қизларнинг борлиги алоҳида эътиборга молик. Улар жаҳон классик муסיқасининг дурдона асарларини Исмоил Жалилов, Муяссар Раззоқова каби ўзбек опера санъатининг етук намояндalари олдида ижро этишди.

(Давоми 3-саҳифада)

ЎЗБЕКИСТОН ВА ХИТОЙ ЎЗАРО МАНФААТЛИ ҲАМКОРЛИКНИ МУСТАҲКАМЛАМОҚДА

(Давоми, аввали 1-саҳифада)

Ўзаро савдо айланмаси ҳажмининг барқарор ўсиб бораётгани ҳам диққатга сазовордир. Масалан, сўнгги олти йилда мамлакатларимиз ўртасидаги товар айирбошлаш ҳажми қарийб 6 баробар ошди ва 2013 йилда 5,2 миллиард долларга етди.

Эслатиб ўтиш жоизки, Ўзбекистон Республикаси Президентининг 2012 йил июнь ойида Хитойга ташрифи чоғида ўттиздан ортиқ инвестиция лойиҳаларини амалга оширишга қаратилган 5,3 миллиард доллардан зиёд миқдордаги ҳужжатлар имзоланган.

ХХР Раисининг 2013 йил сентябрь ойида Ўзбекистонга давлат ташрифи доирасида умумий қиймати 15 миллиард долларга тенг лойиҳаларни амалга оширишга оид 31 ҳужжат имзоланди. Ушбу ҳужжатларда Хитойдан 7,7 миллиард долларлик молиявий ресурслар, шу жумладан, Хитой компанияларининг 1,3 миллиард долларлик тўғридан-тўғри инвестициялари, ушбу мамлакат банкларининг 6,1 миллиард долларга тенг кредит маблағлари ва 0,3 миллиард долларлик давлат грантларини жалб этиш кўзда тутилган.

Ўзбекистонда Хитой капитали иштирокидаги 466 корхона, жумладан, тўла Хитой сармояси билан ташкил этилган 77 корхона фаолият юритмоқда. Мамлакатимизда Хитойнинг 71 компанияси ўз ваколатхонасини очган.

Нохомашё ва юқори технологияли соҳаларда ҳам инвестициявий шерик-

лик изчил ривожланмоқда. Ўзбекистон ва Хитой ҳукуматлари ўртасида 2010 йилда имзоланган Ҳамкорлик дастури бу борада муҳим асос бўлиб хизмат қилмоқда.

Ўзбекистон ХХР раҳбарияти томонидан 2011 йилда илгари сурилган Хитой компаниялари иштирокида Ўзбекистон — Хитой юқори технологиялар саноат паркни ташкил этиш тўғрисидаги ташаббусни қўллаб-қувватлади. Ушбу мақсадда 2013 йилнинг март ойида Сирдарё вилоятида филиали бўлган «Жиззах» махсус индустриал зонаси ташкил этилди. 2013 йил июнь ойидан бошлаб ушбу индустриал зона ҳудудидан мобил телефонлар, қурилиш материаллари ва бошқа маҳсулотлар ишлаб чиқариш йўлга қўйилди.

Жорий йилда «Жиззах» махсус индустриал зонасида Хитой компанияларининг қиймати 50 миллион доллардан зиёд тўғридан-тўғри инвестициялари иштирокида ўн бешдан ортиқ қўшма лойиҳани амалга ошириш кўзда тутилган.

Ёқилғи-энергетика комплексидан ҳам ХХР билан ҳамкорлик изчил ривожланмоқда. Марказий Осиё — ХХР газ қувурининг тўртта тармоғи ҳам Ўзбекистон Республикаси ҳудудидан ўтиши нефть-газ соҳасида юксак даражадаги ўзаро ишонч ва яқин ҳамкорликдан далолат беради.

Хитой Миллий нефть-газ корпорацияси нафақат истиқболли углеводород конларини ўрганиш ва уларни ўзлаштириш, балки Муборак газ-кимё мажмуасида табиий газни чу-

қур қайта ишлаш лойиҳасини амалга оширишда ҳам қатнашмоқда.

Мамлакатларимиз ўртасида энг қисқа темир йўл тармоғини барпо этиш ўзаро иқтисодий ҳамкорликнинг долзарб стратегик йўналишларидандир. Бу Хитойнинг Марказий Осиё, ундан кейин Жанубий Осиё мамлакатларига чиқишини таъминлайди. Мазкур йўналиш Ангрен — Поп темир йўли қурилиши лойиҳасини ўз ичига олган. «Ўзбекистон темир йўллари» давлат акциядорлик компанияси ва Хитойнинг «China Railway Tunnel Group» компанияси ўртасида довондан туннель орқали ўтадиган Ангрен — Поп темир йўлини қуриш бўйича умумий қиймати 455 миллион долларлик шартнома имзоланди ва хитойлик ҳамкорлар иштирокида 2013 йилнинг июнь ойида мазкур йўл қурилиши бошланди.

Молиявий соҳадаги ҳамкорлик, жумладан, Хитой Давлат тараққиёт банки ва Эқсимбанки билан алоқалар фаол ривожланмоқда. Хитой молия институтларининг жами кредитлари ҳажми 4,5 миллиард доллардан, шу жумладан, ҳукумат кафолатисиз кредитлар 3,5 миллиард доллардан ошди.

Таъкидлаш жоизки, Хитой Давлат тараққиёт банки энергетика, транспорт, телекоммуникация, соғлиқни сақлаш, таълим ва бошқа йўналишлардаги умумий қиймати 3,8 миллиард доллардан зиёд турли лойиҳаларда иштирок этмоқда.

Хитойнинг Эқсимбанки томонидан 2005 йилдан бошлаб умумий қиймати 1,15 миллиард долларлик 32 лойиҳани

молиялаштириш тасдиқланган.

Мамлакатларимиз ўртасидаги маданий-гуманитар алоқаларни, фан ва техника, туризм соҳаларидаги ҳамкорликни ҳам янада ривожлантириш устувор аҳамиятга эгадир. Таъкидлаш керакки, 2013 йил 15 май куни Шанхай шаҳрида Хитойда биринчи марта Шанхай университети ҳузуридаги ШХТ Жамоат дипломатияси илмий-тадқиқот институти негизида Ўзбекистон тадқиқотлари ва таълим алмашувлари маркази очилди. Тошкент ва Шанхай, Самарқанд ва Сиан, Навоий ва Чжучжоу шаҳарлари, Тошкент вилояти ва Хунан вилояти, Самарқанд вилояти ва Шэнси вилояти ўртасида биродарлик алоқалари ўрнатилган.

Икки давлат раҳбарларининг бу галги учрашуви Ўзбекистон билан Хитой ўртасида ўзаро манфаатли ва серқирра ҳамкорликни янги босқичга кўтаришга ва стратегик шерикликни янада мустаҳкамлашга хизмат қилади.

Президент Ислон Каримов самимий суҳбат ва самарали мулоқотдан сўнг ХХР Раиси Си Цзиньпиннинг таклифига биноан Осиёда ҳамкорлик ва ишонч чоралари бўйича кенгаш саммитига аъзо давлатлар раҳбарлари шарафига ташкил этилган Хитой санъат усталарининг тантанали концертига ташриф буюрди.

Ўзбекистон Республикаси Президентининг Хитой Халқ Республикасига ташрифи давом этмоқда.

Баҳодир ЭРГАШЕВ,
ЎЗА махсус мухбири

ЁШ ТАДБИРКОРГА ИМТИЁЗЛИ КРЕДИТ



Битирувчиларни тадбиркорлик фаолиятига жалб қилиш, уларда тадбиркорлик кўникмаларини шакллантириш, яқка тартибдаги меҳнат фаолиятини, кичик бизнес ва хусусий тадбиркорликни, касаначиликни фаоллаштириш ҳамда уларга микромолиявий хизматлар кўрсатиш орқали янги иш ўринларини яратишга қаратилган мазкур танлов кўлами йилдан-йилга кенгайиб борапти. Бу йил «Менинг бизнес гоям» танлови «Камолот» ёшлар ижтимоий ҳаракати ташаббуси билан Ўзбекистон Республикаси Марказий банки, Ўрта махсус касб-хунар таълим маркази, Ўзбекистон Савдо-саноат палатаси, «Микрокредитбанк», «Агробанк», «Қишлоқ қурилиш банк», «Саноатқурилишбанк», «Миллийбанк» ДТБ, «Ипотека банк» АТИБ, «Асака

банк», «Халқ банки», «Хунарманд» уюшмаси ҳамда Ўзбекистон фермерлари кенгаши ҳамкорлигида ташкил этилди.

— Ўтган йили мазкур танловга қирқ саккиз минг нафарга яқин ёш ўз бизнес гояси билан иштирок этган бўлса, жорий йилда республикамиз бўйича 135 мингдан зиёд академик лицей ва касб-хунар коллежлари битирувчиларидан турли йўналишларда иншолар қабул қилинди, — дейди «Камолот» ЁИХ Марказий Кенгашининг ижтимоий-иқтисодий лойиҳалар бўлими етакчи мутахассиси Мадина Фармонова. — Лойиҳанинг қуйи босқичларида ҳудудлардаги «Ёш тадбиркор» консултиватив марказ координатор ҳамда тренерлари томонидан ёшларда тадбиркорлик кўникмаларини шакллантиришга

■ «Kamolot» ko'z gusi ■

Тошкент вилоятининг Бўстонлик туманидаги «Камолот» ёшлар оромгоҳида «Менинг бизнес гоям» танловининг республика босқичи бўлиб ўтди. Унда танловнинг ҳудудий босқичларида голибликни қўлга киритган бир юз қирқ нафар тенгдошимиз иштирок этди.

қаратилган ўқув семинарлар ўтказилди. Унда эллик саккиз мингга яқин ёш ўз билим ва малакасини оширди. Уларнинг 381 нафарига бизнес лойиҳаларини молиялаштириш учун тўрт миллиард сўмга яқин имтиёзли кредитлар олиш ҳуқуқини берувчи тавсияномалар берилди.

Ўқув оромгоҳида танлов иштирокчилари гуруҳларга бўлинган ҳолда малакали соҳа мутахассислари, тренерлар, тижорат банклари ва ҳамкор ташкилотларнинг масъул ходимлари иштирокида бўлиб ўтган «Бизнесни тартибга солувчи қонуний-меъёрий ҳужжатлар», «Кичик бизнеснинг юридик макомини танлаш», «Тижорат банкларининг кредит сиёсати», «Бизнес режа ёзиш талаблари», «Маркетинг», «Кичик бизнесда брендинг ва нейминг», «Корхона

маркетинг стратегиясини ишлаб чиқиш», «Кичик бизнесни солиққа тортиш муаммолари», «Савдо-саноат палатасининг кичик бизнесга ёрдам бериш имкониятлари», «Кичик бизнесда технологияларни топиш, олиб келиш ва сотиб олиш шартлари» каби мавзуларда амалий машғулотлар, ўқув семинарларда қатнашди. Шунингдек, семинар-тренингда иштирокчиларнинг олган билимлари асосида уларнинг бизнес режалари қайта кўриб чиқилди. Семинар сўнггида ҳар бир иштирокчи ҳакамлар ҳайъати аъзолари олдида ўз бизнес режасини тақдимот шаклида ҳимоя қилди. Натижаларга кўра, ҳакамлар ҳайъати аъзолари бу йилги танловнинг республика босқичида йигирма саккиз нафар ёшнинг бизнес режасини голиб деб топди. Уларнинг тўрт нафарига «Агробанк» ОАТБ, уч нафарига «Микрокредитбанк» ОАТБ, тўрт нафарига «Ипотека банк» АТИБ, уч нафарига «Қишлоқ қурилиш банк» ОАТБ, тўрт нафарига «Саноатқурилишбанк», уч нафарига «Асака банк», уч нафарига «Миллий банк» ДТБ, тўрт нафарига «Халқ банки» томонидан имтиёзли фоизларда микрокредит маблағлари ажратиладиган бўлди.

Юқори Чирчиқ туманидан танловда қатнашган Гулноза Кўчқорова замонавий элита пардалар тикиш бўйича тузган бизнес лойиҳаси билан танлов голибига айланди.

— Коллежни тугатгач, «Ўзсаноатқурилишбанк»дан олти миллион уч юз минг сўм имтиёзли кредит олиб, ўз иш фаолиятини бошлайман, — дейди Гулноза. — Ўзим билан бирга етти нафар тенгдошим ҳам иш билан таъминланади. Пардалар тикишда тўрт йиллик тажрибам бор. Бунда устозим Зулайхо Аҳмадалиеванинг меҳнати кат-

та. Ўқув оромгоҳида тадбиркорликка оид барча йўналишларни пухта эгалладик.

Танлов доирасида «Қишлоқда хизмат кўрсатиш ва сервис соҳасини ривожлантириш» номинацияси бўйича Азамат Аблезов (Шуманай тумани), «Соғлом бола йили» Давлат дастуридаги фаол иштироки учун номинацияси бўйича Азиза Зиямухаммедова (Тошкент шаҳри), «Энг яхши экологик тоза маҳсулот» номинацияси бўйича Махлиё Эшбоева (Ангрен шаҳри), «Энг кўп ишчи ўрни яратган бизнес гоям» номинацияси бўйича Ислонбек Муҳаммаджонов (Қува тумани), «Энг яхши инновацион гоям» номинацияси бўйича Сардорбек Қутфиддинов (Наманган шаҳри) голиб деб топилди.

«Энг яхши экологик тоза маҳсулот» номинациясига сазовор бўлган Махлиё Эшбоева парҳез инсонлар ҳамда болалар учун табиий маҳсулотлардан тайёрланган рангли макоронларни ишлаб чиқаришни кўзда тутмоқда. Ангрен ахборот технологиялари ва саноат касб-хунар коллежи битирувчиси Махлиё Эшбоеванинг айтишича, ушбу макоронлар, асосан, қизил лавлаги ҳамда сабзи шарбатлари аралашмасидан тайёрланган экан. Бунинг учун у «Миллийбанк»дан ўн беш миллион сўм кредит олиш имконини берувчи сертификатга эга бўлди.

Голибларни тантанали тақдирлаш маросими «Камолот» ЁИХ Марказий Кенгашида бўлиб ўтди. Тантанали маросимда танлов голибларига «Камолот» ЁИХ Марказий Кенгашининг диплом ва эсдалик совғалари топширилди. Бўлажак тадбиркорлар учун эстрада хонандалари иштирокида концерт дастури ҳам намойиш этилди.

Рустам ЮСУПОВ,
«Turkiston» мухбири

Yoshlik Sahori

Симфонияга бурканган баҳор

(Давоми, аввали 1-саҳифада)

«Ёшлик баҳори» фестивалининг якуний қисми — Ўзбекистондаги биринчи Ёшлар симфоник оркестри иштирокидаги гала-концерт барчага кутилмаган таассуротларни тўхфа этди. Бу ҳақиқий мусиқали шоунинг ўзгинаси. Ахир, оркестрнинг томошабинлар орасидан чиқиб келиши, дирижёр эса гоҳ эгнидаги фракни матадор костюмига, гоҳ таёқчасини соҳибжамол Кармен тортқ қилган қизил атиргулга алмаштириши ёки ижро этилувчи ҳар бир асар олдиан изоҳ келтиришини на жаҳон опера сахналари, на замонавий мюзиклларда кўрасиз.

Дарвоқе, дирижёр ҳақида. Ёшлар симфоник оркестрини Камолитдин Ўринбоев бошқарди. Ҳам дирижёр, ҳам бадий раҳбар, кўйинги, бошловчи вази фасини бажарган бу йигит талаба эканига ишонгинг келмайди. Шунга қарамай, у ҳаммасини аъло даражада уддалади. Концерт давомида Бетхо-



вен, Чайковский, Иоганн Штраус, Жорж Бизе, Жакомо Пуччини, Жоаккино Россини, Жон Уилямс, Франческо Сартори, Мухтор Ашрафий, Сулаймон Юдаков каби ўзбек ва жаҳон композиторларининг йигирмадан зиёд дурдона асарлари жонли ижро этилди.

«Нихол» мукофоти совриндори Умид Исроилов ижросидаги Калаф ҳамда Рамиз Усмо-

нов ижросидаги Канио ариялари, Феруза Ажиметованинг мафтункор «Кармен»и, Раҳим Мирзакамолонинг «Фигаро»си ҳамда Барно Исмаилованинг «Мюзетта»си, Асқар Салимжонов ва Мухриддин Сайфиддинов дуэти хониш қилган бетакрор «Танго», Маъсума Болтабоеванинг соҳир овози ила янграган «Кашмирида» каби композициялар ҳар бир томоша-

бин-тингловчини тўлқинлантиргани рост. Айниқса, сахнага таклиф этилган В.Успенский номидаги республика ихтисослаштирилган мусиқа академик лицейи ўқувчиларидан иборат болалар хор жамоаси «Аве Мария» ариясини куйлай бошлаганида бутун зал сеҳрлаб кўйилгандек эди, гўё.

Томошабин ҳар бир симфония, ҳар бир партиядан сўнг ўз

миннатдорлигини гулдурас қарсақлар билан ифода этди. Наинки ўзбек, балки инглиз, немис, француз, рус, испан, италян, араб, форс, корейс, япон ва яна ўнлаб тилларда айтилган тасанноларни юртимиз ёшларининг истеъдодига берилган энг юқори баҳо деб қабул қилиш мумкин. Ҳа, бугун мустақил Ўзбекистоннинг ўғил-қизлари ҳеч кимдан кам эмас.



Раҳим Мирзакамоллов, халқаро танловлар лауреати, «Ўзбекистон белгиси» кўкрак нишони соҳиб:

— Фестивалда иштирок этганимдан ниҳоятда мамнунман. Бир неча йилдан буён Алишер Навоий номидаги давлат

академик катта театри опера солисти сифатида фаолият кўрсатишимга қарамай, фақат ёшлардан иборат янги жамоа — Ёшлар симфоник оркестрининг дастлабки концертида иштирок этиш мен учун ҳам масъулиятли, ҳам қизиқарли бўлди. Гала-концертда Россинининг «Сивилиялик сартарош» операсидан Фигаро каватинасини ижро этдим. Юртимиз истеъдодларга бой. Ҳар соҳада, хусусан, мусиқа санъатининг ўзига хос ва мураккаб жанри ҳисобланган опера ижрочилигида ҳам дунёни лол қолдириб келаётган тенгдошларимиз оз эмас. Бу ҳам бўлса, мустақиллик йилларида юртимизда мусиқа санъатини ривожлантириш ҳамда ёшларнинг истеъдодини қўллаб-қувватлашга давлат томонидан қаратилган эътиборнинг самарасидир. Уйлайманки, концертга таклиф этилган дипломатик корпус ва халқаро ташкилотлар вакиллари, бошқа хорижий меҳмонлар оркестримизнинг маҳоратини юксак даражада баҳолай олди.



Камолитдин Ўринбоев, Ёшлар симфоник оркестри бадий раҳбари ва дирижёри, халқаро танловлар лауреати:

— Ёшлар симфоник оркестрининг ташкил этилгани, шубҳасиз, юртимиз мусиқа санъатидаги муҳим ҳодиса бўлди. Мен бир қатор хорижий мамлакатлардаги нуфузли халқаро мусиқий танлов ва фестивалларда иштирок этганман. Ишонч билан айтаманки, биз, ўзбекистонлик ёшлар истеъдод бобида ҳеч кимдан

қолишмаймиз. Юртимизда илк маротаба ўтказилган «Ёшлик баҳори» республика ёш опера ижрочилари фестивали ҳамда унинг бугунги якунловчи гала-концертида салоҳиятимизни тўлиқ намоеён этдик. Ёшлар оркестри билан ишлаш менга завқ бағишлади. Биласиз, симфоник мусиқани тинглаш ҳамда уни тушуниш кишидан алоҳида маҳорат ва дид талаб қилади. Концерт нафақат опера мухлислари, балки унга таклиф этилган кўп сонли ёшлар учун ҳам бирдай қизиқарли бўлиши учун уни шоу элементларидан фойдаланиб сахналаштиришга ҳаракат қилдик. Жонли ижро концертга келган ҳеч бир мухлисни эътиборсиз қолдирмади. Буни мен, томошабинларнинг гулдурас қарсақлари ва мамнун чеҳраларидан уқиб олдим. Концертнинг якуний қисмида залга юзланиб, куйидаги сўзларни айтишим керак эди: «Азизлар, юртимиз тинч, осмонимиз мусаффо эканки, бугун сиз билан биргана шундай ажойиб кечага гувоҳ бўлиб турибмиз». Шу онда ҳаяжонимни билдирмасликка ҳарчанд ҳаракат қилмайин, овозимда барибир титроқ сезилди. Қалбим ларзага келгандек бўлди, гўё. Чунки мустақиллик қанчалик катта бахт, тинчлик нечоғлик улугъ неъмат эканини янада теран англадим. Томошабинлар ҳам англашди, назаримда.



Тоҳир Усмонов, Ёшлар симфоник оркестри созандаси (скрипкачи), халқаро танловлар лауреати:

— «Ёшлик баҳори» республика ёш опера ижрочилари фестивали ўтказилаётгани ва унинг натижасида илк маротаба Ёшлар симфоник оркестри

ташкил этилишини эшитганимда, очиги, бироз ҳайратландим. Чунки опера санъати юксак даражада ривожланган хорижий давлатларда ҳам бундай ҳолатни камдан-кам учратасиз. Оркестримиз ниҳоятда истеъдодли ёшлардан ташкил топган. Деярли барчамиз бир қатор халқаро танлов ва фестивалларда қатнашганмиз. Тайёргарлик жараёнида бир-биримизни тушуниб, аҳил жамоа сифатида ишладик. Айниқса, оркестр дирижёри Камолитдин Ўринбоевнинг маҳорати, гайратига тан бермасликнинг иложи йўқ. У концертга «жон» бағишлаб турди. Фестивал ташкилотчиларига алоҳида миннатдорлигимни изҳор этаман. Санъатимизга қаратилаётган эътибор биз, ёшларни ҳамisha юксак парвозларга чорлайди.

Наргиза УМАРОВА, «Turkiston» муҳбири.
Рустам Назарматов олган суратлар.

ЁШ ЖАСОРАТ СОҲИБЛАРИ

«Камолот» ёшлар ижтимоий ҳаракати Самарқанд вилояти кенгаши, вилоят фавқулодда вазиятлар ва халқ таълими бошқармалари билан ҳамкорликда Самарқанд шаҳар ёнгин хавфсизлиги бошқармасининг 5-бўлими ҳудудида «Ёш қутқарувчи» кўрик-танловининг вилоят босқичи бўлиб ўтди.

Унда туманлардан сараланган жамоалар иштирок этди.

— Мусобақани ўтказишдан мақсад турли табиий офатлар юз берганда аҳолининг, айниқса, ёшларнинг ўзини-ўзи ҳимоя қилиши ва бошқаларга кўмак бериши бораси-

даги тайёргарлигини ошириш, уларни ватанпарварлик руҳида тарбиялашдан иборат, — дейди «Камолот» ЁИХ вилоят кенгаши бўлим мудири Дилшод Нарзикулов.

Танлов беш шарт асосида олиб борилиб, унда жамоаларнинг соҳага оид билим ва

малакалари синовдан ўтказилди.

Мусобақа натижаларига кўра, 1-ўринга Самарқанд шаҳрининг «Ирбис» жамоаси муносиб деб топилди.

Ғолиблар ва фаол иштирокчи жамоалар ташкилотчилар томонидан диплом ва эсдалик совғалар билан тақдирланди.

Жасур РАҲМОНОВ, «Turkiston» муҳбири

Yoshlar festivallari davom etadi

ҲАР ЮРАКДА ШИЖОАТ, ҲАР ЮРАКДА ҚАТЪИЯТ

Шижоат, ташаббус, ғайрат ва фаоллик. Айни шу эзгу тушунчалар замирида ёшликнинг бетакрор ва олий мақсадларга тўла қиёфаси, ёшларнинг баланд парвозлари, улар интилаётган юксак марраларнинг моҳияти мужассам. Фарғона вилоятида бўлиб ўтган «Биз буюк юрт фарзандларимиз!» шиори остидаги ёшлар фестивали ҳам юрагида шижоат, нигоҳларида қатъият ёниб турган минглаб ёшларни ўзига чорлади.

Мустақиллигимизнинг йигирма уч йиллигини муносиб нишонлаш, мамлакатимизда амалга оширилаётган ислохотларнинг мазмун-моҳияти ва аҳамиятини ёшларга тушунтириш, иқтидорли ёшларни қўллаб-қувватлаш, мамлакатимизнинг ижтимоий-иқтисодий, маданий тараққиётига муносиб хисса қўшаётган ёшлар сафини кенгайтириш мақсадида ўтказилаётган мазкур фестивал бу гал ҳам минглаб тенгдошларимиз эътиборида бўлди. Ёшлар фестивалининг республика ва вилоят тарғибот гуруҳига таниқли санаткор ва сўз ustalари, эстрада юлдузлари, актёрлар, шоир ва ёзувчилар, шунингдек, Зулфия номидаги Давлат мукофоти совриндорлари ҳамда номдор стипендиатлар, Ўзбекистон, Осиё ва жаҳон чемпионлари бўлган иқтидорли ёшлар жалб этилди. Тарғибот гуруҳи аъзолари фестивал давомида ижтимоий-сиёсий, ҳуқуқий, маънавият ва маърифат ҳамда соғлом турмуш тарзи ва спорт йўналишлари бўйича фаолият олиб боришди.

«Биз буюк юрт фарзандларимиз!» шиори остидаги ёшлар фестивали доирасида туман ва шаҳарларда тарғибот гуруҳи аъзолари ва ёшлар иштирокида «Оммавий маданият» ва ёшлар маънавияти», «Депутат ва ёшлар», «Президент асарлари билимдони», «Ҳоким ва ёшлар», «Сиз севган қахрамонлар» ва «Замонамиз қахрамонлари», «Одам савдо-

сидан ёшларни асраш — бугунги куннинг долзарб масаласи», «Эрта никоҳ ва унинг олдини олиш», «Биз соғлом турмуш тарафдоримиз», «Виждонли сотувчи», «Ҳеч ким меҳр ва эътибордан четда қолмасин!», «Интернет ва ёшлар», «Иқтидор эгаси — обод юрт эртаси», «Камолот» кутубхонаси», «Ватан тараққиётига менинг хиссам» лойиҳалари амалга оширилди.

— Учкўприк ёшлари «Депутат ва ёшлар» лойиҳасида ўзларининг қизиқарли, мураккаб ва



Ўза фотомухбири Муқимжон ҚОДИРОВ олган суратлар

содиёт ва сервис коллежи ўқувчиси Аҳмадали Ҳақимов.

— «Уч авлод учрашуви» да бувайдалик ёшлар ўз фаолликларини кўрсатишди, — дейди «Ўзбекнаво» эстрада бирлашмаси хонандаси Достон Убайдуллаев. — Уларнинг устозларга бераётган саволларига эъти-

тарғиботчиси», йигирма бир нафар ёш «Энг фаол соғлом турмуш тарзи тарғиботчиси», ўн нафар ўғил-қиз «Энг яхши экология билимдони», ўн икки нафари «Президент асарлари билимдони» каби йўналишлар бўйича тақдирланди.

Шунингдек, ҳар бир туман ва

совғалар улашилди.

Фестивалнинг сўнгги кунинда Юсуфжон қизиқ Шакаржонов номидаги Фарғона вилояти мусикали драма ва комедия театрида «Ҳоким ва ёшлар» учрашуви бўлиб ўтди. Унда вилоят ҳокими Шўхратжон Ғаниев иштирок этиб, барча туман ва шаҳарлардан келган энг иқтидорли ёшларнинг дил сўзлари, таклиф ва ташаббусларини тинглади. Қувонарлиси, ёшлар томонидан берилган ҳеч бир таклиф эътибордан четда қолмади. Учрашув сўнгинда энг яхши фикр ва таклиф эгаларига вилоят ҳокимлигининг қимматбаҳо совғалари ва китоблар тўплами тортиқ қилинди.

Ёшлар фестивали Фарғона шаҳридаги ёшлар маданият ва спорт мажмуасида бўлиб ўтган гала-концерт билан якунланди. Концертнинг тантанали қисмида тарғиботларда муносиб иштирок этган фаоллар «Конституция билимдони», «Энг яхши ҳуқуқ тарғиботчиси», «Энг яхши маънавият тарғиботчиси», «Энг намунали илм-фан тарғиботчиси», «Энг яхши соғлом турмуш тарзи тарғиботчиси», «Ёшлар билан ишлашда энг фаол туман (шаҳар) ҳокими», «Энг ёш тарғиботчи», «Энг намунали тарғиботчи етакчи» каби номинациялар бўйича «Камолот» ёшлар ижтимоий ҳаракатининг махсус дипломи ва совғалари билан тақдирланди.

Ёшлар фестивали юқори кайфиятда ўтказилди. Ундаги лойиҳаларда иштирок этган ёшларнинг шижоати, теран нигоҳи, эришяётган ютуқларини кўриб, мулоҳазага чорловчи фикрларини тинглаб, бу юртда эртанги кунимизнинг муносиб ворислари, кучли, билимли, доно ва албатта, бахтли авлод вояга етаётганини англаб етасиз.

Нодиржон ЮСУПОВ,
«Turkiston» мухбири.
Дилнавоз ҚҮЛДОШЕВА,
«Камолот» ЁИҲ Фарғона
вилояти кенгаши етакчи
мутахассиси



мулоҳазага чорловчи саволлари, фикрлари билан бизни ҳайрон қолдирди, — дейди Олий Мажлис Қонунчилик палатаси депутати Жуманазар Отажонов. — Туман ёшлари билан мулоқотда бўлиб, ютуқларидан хабардор бўлдик. Билимга чанқоқ, изланувчан ҳамда янгиликка интилувчан бу ёшлар буюк юртининг муносиб фарзандларидир.

— Фестивал кутилганидек кўтаринки руҳда ташкил этилди. Айниқса, шаҳримиздаги интернет-кафеларда «Интернет ва ёшлар» лойиҳаси ташкил этилгани айни муддао бўлди. Бунда тарғибот гуруҳи аъзолари интернетнинг ёшлар ҳаётидаги ўрни катта экани, бироқ ундан фақат билим олиш учун фойдаланишимиз лозимлигини таъкидлашди. Улар интернетдан қандай фойдаланишларини кўрсатиб, биз, ёшларни «ўргамчак тўри»га тушиб қолишдан сақланишга чакирди, — дейди Қувасой иқти-

бор бериб, бугунги ёшларимиз нафақат замон билан ҳамнафас, балки бир неча қадам олдинда эканига гувоҳ бўлдим. Бундай теран фикрли ёшларни кўриб, эртанги кунимиз кутганимиздан ҳам яхшироқ бўлишига яна бир бор ишонч ҳосил қилдим.

Марғилон шаҳрида ўтказилган «Ватан тараққиётига менинг хиссам» лойиҳаси ёшликка хос ранг-баранглик, шижоат, гўзаллик, кўтаринчилик руҳида ўтди. Ёш ижодкорлар, хунарманд-усталар ва дизайнерларнинг меҳнатини акс эттирувчи кўргазмалар ҳам бунинг исботидир. Марғилонлик ёшларнинг истеъдодини кўрсатувчи ижодий ишлар фестивал тарғиботчиларини ҳам ҳайратда қолдирди. Айтиш керакки, мазкур фестивал ҳудуддаги янги-янги иқтидор эгаларини кашф этди.

Тарғибот тадбирлари давомида қирқ бир нафар тенгдошимиз «Энг фаол маънавият

шаҳарда бўлиб ўтган учрашувларда ёшларга «Энг фаол иштирокчи», «Энг ёш спортчи», «Энг ёш ижодкор», «Энг яхши таклиф», «Энг ёш рассом», «Энг ўринли савол» номинациялари бўйича туман ҳокимликлари ва Ҳаракатнинг эсдалик совғалари топширилди.

«Ҳеч ким меҳр-эътибордан четда қолмасин!» лойиҳаси доирасида республика тарғибот гуруҳи аъзолари имконияти чекланган ёшлар ҳамда боқувчисини йўқотган кексалар, кам таъминланган оилалар, ёши улуг отахон ва онахонлар хонадонинда бўлишди. Уларнинг ҳолидан хабар олиниб, эсдалик совғалари топширилди. Шунингдек, «Ҳеч ким меҳр-эътибордан четда қолмасин» шиори остидаги хайрия учрашувлари мобайнида меҳрибонлик уйлари, махсус мактаб-интернатлар тарбияланувчилари учун ижодий учрашув ва байрам дастури ташкил этилди, эсдалик



«Kamolot» loyihalari

Тошкент шаҳридаги «Пахтакор» марказий стадионига футбол бўйича талабалар ўртасида ўтказилган «Камолот» кубоги мусобақасининг финал учрашувини кузатиш учун келаётган томошабинларнинг кети узилмайди. Барчаси футбол-шоуга ошиқмоқда... Томошабинлар нигоҳи таблода намоиш этилаётган «Ўзбекистонда ёшларга оид давлат сиёсати» видеоролигига қаратилди. Кутилган дақиқалар ҳам етиб келди. Яшил майдонга «Камолот» кубоги»нинг финал ўйини иштирокчилари — Ўзбекистон Миллий университети ҳамда Ўзбекистон давлат жисмоний тарбия институти жамоалари чиқиб келди.



ФУТБОЛ ЁШЛАРНИ ДЎСТАЛАШТИРДИ

Музыка садолари ва олинган кутиб олинган жамоалар бош соврин — «Камолот» кубоги учун тўп суришга шай. Олий тоифали ҳакам Дмитрий Пислегин ҳўштаги билан ўйин бошланди. Ўзбекистон Миллий университети жамоаси оқ либосда, Ўзбекистон давлат жисмоний тарбия институти футболчилари кўк либосда тўп суришди.

Олий таълим муассасалари талабалари ўртасида учинчи бор ўтказилаётган «Камолот» кубоги» республика турнири «Камолот» ёшлар ижтимоий ҳаракати ташаббуси билан Олий ва ўрта махсус таълим, Маданият ва спорт ишлари, Ички ишлар, Соғлиқни сақлаш вазирликлари, Ўзбекистон футбол федерацияси, «Пахтакор» футбол клуби ҳамкорлигида ташкил этилди.

— Бу йил мусобақанинг саралаш босқичларида олти миш тўққизта олий таълим муассасасида таҳсил олаётган тўрт ярим минг нафардан ортиқ ҳаваскор футболчи иштирок этди, — дейди «Камолот» ЁИХ Марказий Кенгаши бўлим мудир Умид Ражабов. — Турнирнинг туман, шаҳар ва ҳудудий босқичларидан муваффақиятли ўтган Ўзбекистон Миллий университети, Ўзбекистон давлат жисмоний тарбия институти, Гулистон давлат университети, Тошкент молия институти, Фарғона давлат университети, Бухоро давлат тиббиёт институти, Нукус давлат педагогика институти жамоалари 13 — 17 май кунлари мусобақанинг республика финал босқичида куч синашди. Финалга икки жамоа етиб келди.

«Биз — соғлом турмуш тарafdоримиз!» шиори остида ўтган ўйин Ўзбекистон Миллий университети жамоасининг ҳужумлари билан бошланди. Бу жамоа футболчилари ўйин бошидаёқ рақиб дарвозасига бир нечта хавфли зарбалар йўллашди. Айниқса, 17-дақи-

қада белгиланган жарима зарбаси анча хавфли чиқди. Бироқ уриниш муваффақиятсиз бўлди. Ниҳоят, тезкорлик ўз самарасини берди. 29-дақиқада ЎзМУ жамоасининг 9-рақамли ҳужумчиси Муҳаммадсодиқ Одилов рақиб дарвозасини қўриқлаётган Равшан Меҳмонов билан яккама-якка чиқиб, ҳисобни очди — 1:0. Бундан руҳланган ЎзМУ жамоаси янада ҳужумкор ўйин намоиш этиб, бир қатор қулай вазиятларни юзага келтирди. Рақиб жамоа ҳам яхши ҳаракат қилди, лекин кутилган натижа қайд этилмади. Шу тариқа биринчи тайм 1:0 ҳисобида яқунланди.

Танаффусда «Омадли чипта эгаси» лотерея ўйини ташкил этилди. Омаддиларни аниқлаш учун санъаткорлар Ойбек ва Нигора ҳамда актриса Севара Солиева таклиф этилди. Ун нафар омадли чипта соҳиби «Камолот» ёшлар ижтимоий ҳаракатининг қимматбаҳо совғаларига эга бўлди.

Иккинчи таймда Ўзбекистон давлат жисмоний тарбия институти жамоаси аста-се-

кинлик билан устунликни ўз қўлига олди. ЎзМУ жамоаси ўйинида эса бироз пасайиш кузатила бошланди. Танаффусда мураббий кўрсатмаларини олган Ўзбекистон давлат жисмоний тарбия институти жамоаси иккинчи таймнинг 8-дақиқасида 3-рақамда тўп сураётган Павел Чулкиннинг зарбасидан сўнг ҳисобни тенглаштирди. Шундан сўнг ўйин янада шиддатли тўп олди. Жисмоний жиҳатдан бироз устунликка эга бўлган Ўзбекистон давлат жисмоний тарбия институти жамоаси аъзолари бу устунликни ҳисобда ҳам акс эттиришди. Иккинчи таймнинг 20-дақиқасида ҳисоб 2:1 га етди. Александр Чикмаров орган гол ЎзДЖТИ жамоасига ғалаба олиб келди. Бундан кейин ҳам ЎзМУ жамоасида қулай вазиятлар бўлди, лекин ҳисоб тенглашмади.

— Турнирда қатнашган жамоаларнинг ҳар бири ўз ўйин услубига эга, — дейди олий тоифали ҳакам Дмитрий Пислегин. — Футболчилар салкам профессионаллардек тўп суришди. Улар ушбу турнирда пухта тайёргарлик кўришган-

га ўхшайди. Финалда учрашган ҳар иккала жамоа ҳам яхши ўйин кўрсатди. Бундай турнирлар ёшларнинг спортга бўлган қизиқишини янада оширади.

Шоҳсупага мусобақа ғолиблари таклиф этилди. Учинчи ўринни қўлга киритган Гулистон давлат университети жамоасига бронза, иккинчи ўрин соҳиби бўлган Ўзбекистон Миллий университети жамоасига кумуш медаллари топширилди. «Камолот» кубоги» Ўзбекистон давлат жисмоний тарбия институти жамоаси футболчиларига насиб этди. Қўшимчасига уларга олтин медаллар ҳам топширилди. Шунингдек, турли номинациялар бўйича совриндорлар аниқланди. Баҳодир Юсупов (Ўзбекистон давлат жисмоний тарбия институти) «Энг яхши тўпурар», Ойбек Толипов (Фарғона давлат университети) «Энг яхши дарвозабон» Бобур Асатуллаев (Ўзбекистон Миллий университети) «Энг яхши ҳимоячи», Фаррух Пўлатов (Тошкент темир йўл муҳандислари институти) «Энг яхши ярим ҳимоячи», Муҳаммаддин

Кутилмуротов (Нукус давлат педагогика институти) «Энг яхши ҳужумчи» номинацияларида ғолиб бўлишди.

— Ўзбекистон Миллий университети жамоаси кучли йигитлардан ташкил топган ажойиб жамоа, — дейди Ўзбекистон давлат жисмоний тарбия институти жамоаси аъзоси Аббос Умаров. — Ўтган йили саралаш босқичида ушбу жамоага ютқазгандик. Бу йил финалда ғалаба қозондик. Бу биз учун кутилмаган натижа. Мураббийимиз Муҳиддин Нурматовнинг кўрсатмалари ва жамоадошларимнинг бир-бирини тушуниб ўйнаши сабаб зафар кучдик. «Камолот» кубоги» турнири тенгдошларим орасида катта қизиқиш билан қарши олинмоқда.

— Омад кучлиларга кулиб боқади, деган гап яна бир бор ўз исботини топди, — дейди Ўзбекистон Миллий университети жамоаси сардори Зайфиддин Эсонов. — Жамоамиз биринчи таймда яхши ўйин кўрсатди. Иккинчи таймда омад биздан юз угирди. Бироқ финалга етиб келиш ҳам осон эмас. Ўтган йили шаҳар босқичида Тошкент темир йўл муҳандислари институти жамоасига ютқазиб ортга қайтган эдик. Биз, ёшларга мана шундай нуфузли футбол стадионларида ўйнаши учун шароит ва имконият яратиб бераётган Президентимизга барча тенгдошларим номидан миннатдорлик билдираман.

Кубок соҳиби бўлган жамоа стадион узра ғалабани нишонлай бошлади. Ёшларнинг сеvimли эстрада хонандалари ижросидаги куй-қўшиқлар барчага байрам шукуҳини улашди. Жамоалар эса бир-бирини қутлашиб, ўйин-кулги қилишмоқда. Бу дўстлик нишонасидир.

Рустам ЮСУПОВ,
«Turkiston» муҳбири



ЎзА фотомуҳбири Ёлқин ШАМСИДДИНОВ олган суратлар

СИФАТ ВА САМАРАДОРЛИК — ЯНГИ БОСҚИЧДА

Халқ таълими вазирлиги жорий ўқув йили яқунларига бағишланган матбуот анжуманини ўтказди

Айни вақтда юртимиздаги 9739 та умумтаълим мактабига 4,4 миллиондан ортиқ ўқувчи қамраб олинган. Уларнинг қулай шароитда ҳамда сифатли таълим олишлари мақсадида вазирлик томонидан тизимли ишлар амалга оширилмоқда.

Ўтган йили 219 та мактаб капитал реконструкция қилиниб, 162 таси капитал таъмирланди. Жорий йилда бу ишлар яна 380 та мактабда ўз нихоюсига етказилади. Шунга қўшимча равишда 3024 та таълим муассасасини мебел, ўқув лаборатория жиҳозлари, компьютер техникаси, спорт анжомлари билан жиҳозлаш кўзда тутилган. Мактабларнинг моддий-техник таъминотини мустаҳкамлашга давлат бюджетидан ҳар йили салмоқли маблағ ажратилади. Хусусан, жорий йилги харажатлар миқдори 106,2 миллиард сўмни ташкил қилмоқда. Шубҳасиз, таълимга йўналтирилган сармоя ўзини тўлиқ оқлайди.

Биргина мисол: ҳозирги кунга келиб умумтаълим мактабларининг 83,6 фоизда замонавий физика, биология ва кимё лабораториялари, 83,7 фоизда ўқув-компьютер хоналари мавжуд. Бундай қулайликлар болаларнинг фанларни чуқур ўзлаштиришига ижобий таъсир кўрсатиши ўз-ўзидан аёндыр.

Республикамиздаги барча умумтаълим мактабларида чет тилларининг 1-синфдан бошлаб ўқитилиши яқунланаётган ўқув йилидаги энг муҳим янгилик бўлди. Шу аснода 502,4 минг нафардан зиёд 1-синф ўқувчиси инглиз тилини, 12657 нафари француз, қолгани немис тилларини мактабда фан тариқасида

ўрганишга киришди. Уларга махсус методика ва янги таълим стандартлари асосида дарс бериш учун 25310 нафар чет тили ўқитувчисининг маънаси оширилди. Ўтган йили 2457 та бошланғич синф чет тиллари кабинетлари техник воситалар билан жиҳозланди, 17222 тасига ўқув адабиётлари, луғатлар, DVD магнитолалар етказиб берилди. 1-синфлар учун инглиз, немис ва француз тилидан дарслик мажмуалари яратилиб, 537786 нусхада чоп этилди ҳамда ўқувчиларга Президент совғаси сифатида бепул тақдим этилди. Айтиш жоизки, дарслик мажмуалари билан бир қаторда ота-оналар учун ҳам қўлланмалар ишлаб чиқилиб, жойларга тарқатилган.

Матбуот анжуманида таълим-тарбия самарадорлигини ошириш юзасидан мактаб ўқитувчилари олдига қўйилаётган янги талаблар хусусида ҳам сўз борди.

— Бугунги кунда мактаб

ўқитувчиси, қайси фандан дарс бермасин, замонавий ахборот-коммуникация технологияларини ўзлаштириш кераклигини даврнинг ўзи тақозо этмоқда, — деди пойтахтимиздаги 40-мактабнинг математика ва информатика фанлари ўқитувчиси, Ўзбекистон Қаҳрамони Турғун Азларов. — Бу борада ўз устимизда ишламас эканмиз, ўқувчилар бизни ортда қолдириши турган гап. Мен бир қанча мактабларга бориб, 1-синфлар билан ишлаётган чет тили ўқитувчиларининг дарсини кузатдим. Ўқитувчи энди фақат инглиз тилини ва бошланғич синфларга дарс бериш методикасини билиши камлик қилади. У дарсини ўйин шаклида ўтиб, болаларни ўз фанига қизиқтириши керак. Бунинг учун мултимедиа воситаларидан фойдаланишга тўғри келади. Бошқа фан ўқитувчиларига ҳам талаб шундай.

Ўқитувчиларнинг АКТ соҳасидаги билимини ошириш

мақсадида жорий ўқув йилида 194 та таянч мактаби танланди ва 400 минг нафарга яқин педагог учун махсус ўқувлар ташкил қилинди.

2013-2014 ўқув йилида республикамиздаги умумтаълим мактабларини 501564 нафар ўқувчи битиради. Уларнинг 90,6 фоизи ўқишни касбухона коллежларида давом эттириш ниятида. Қолгани академик лицейларга ҳужжат топширади. 9-синф битирувчиларини таълимнинг кейинги босқичига тўлиқ қамраб олиш мақсадида улар тўғрисидаги маълумотлар **e-maktab** ягона электрон маълумотлар базасига киритилган.

Бу йил мактабларда сўнги кўнғироқ тадбирларини ҳам ўзгача тартибда ўтказиш кўзда тутилган. Улар «Хайр, мактаб — салом, коллеж» шиори остида ўтиб, битирувчилар ўзлари танлаган коллеж ёки лицей фаолияти билан танишиш имконига эга бўлишади.

Наргиза БАҲОДИРОВА

Ma'rifat bayrami

Пойтахтимиздаги Алишер Навоий номидаги Миллий боғдамиз. Атрофда байрам шуқуҳи кезмоқда. Барчанинг юзида ҳаяжон. Бир томонда турли миллатларнинг миллий либосларини кийган раққоса қизлар, бир томонда энг фаол китобхон номига эришган тенгдошларимиз саҳнага чиқиш учун ўз навбатини кутмоқда...

КИТОБ ЁШЛАРНИ БИРЛАШТИРАДИ

Боғ ёнбағирларида юртимиздаги йирик нашриётларнинг ранг-баранг маҳсулотлари, китоб кўргазмалари бўлиб ўтмоқда. Саҳна яшил салтанат вакиллари, ранг-баранг пуфаклар билан серҳашам безатилган.

Барча энтикиб кутган «Китоб бизни бирлаштиради» китобхонлар фестивалида Халқ таълими вазирлиги Улуғбек Иноят, Республика Байналмилал маданият маркази директори Насриддин Муҳаммадиев, Ўзбекистон Ёзувчилар уюшмаси раиси Муҳаммад Али, Ўзбекистон халқ ёзувчиси Худойберди Тўхтабоев ўз табрик сўзларини айтишди. Шодийнинг бадиий қисмини «Булбулча» болалар ашула ва рақс дастаси бошлаб берди. Шўх куй ва рақсларга томошабинлар ҳам жўр бўлишди.

Китоб — инсон маънавиятини шакллантирувчи, халқларни бирлаштирувчи, эзгу мақсадлар сари етакловчи бекиёс куч. Уни ижодкор адаб-тарбия, инсонпарварлик, Ватанга муҳаббат ҳислари билан безайди. Ўқувчини маънавият олами сари бошлайди.

Халқ таълими вазирлиги тасарруфидаги Республика болалар кутубхонаси ва Республика Байналмилал маданият маркази томонидан ташкил этилган китобхонлар фестивали ҳам ана шу мақсадлар учун хизмат қилмоқда. Тадбирда таъкидланганидек, «Соғлом бола йили» Давлат дастури доирасида жорий йилда ўн мингдан ортиқ мактаб кутубхонасини бадиий адабиётлар билан тўлдириш кўзда тутилган. Бунинг учун давлат бюджетидан 6,6 миллиард сўм маблағ ажратилади.

Тадбирга Тошкент шаҳридаги ахборот ресурс марказларининг фаол китобхонлари, турли миллатга мансуб ёшлар таклиф этилди.

— Фестивал ҳақиқий китоб байрамига айланди, — дейди Учтепа тумани ахборот ресурс маркази раҳбари Шоҳида Тўражонова. — Инсон китоб билан ҳамнафас яшаши даркор. Фарзандларимизни китоб билан дўстлаштириш, уларни янги адабиётлар билан таништириш, кутубхоналар фаолиятини янада жонлантириш жуда муҳим.

Фестивал давомида болажонларни кузатдик. Улар отоналаридан эҳтимол музқаймоққа деб олган пулига китоб сотиб олишди. Демак, байрам бесамар ўтмади.

Парвина ОМОНОВА



Шайхонтохур туманидаги 254-мактабнинг кимё фани ўқитувчиси Дилафруз Гулбаева ўқувчилари билан лаборатория машғулотини олиб бормоқда.

Рустам НАЗАРМАТОВ фотолавҳаси

Ogohlik

ТЎҒРИ ЙЎЛДАН ҚАЙТМАНГ

Мамлакатимизда ҳар бир инсоннинг жамиятда ўз ўрнини топиши учун барча шароитлар мавжуд. Афсуски, орамизда бирор фойдали иш ишгит-қизларни нопок йўллarga бошлаб, бундай ишларни ўзининг асосий даромад манбаига айлантириб олган, ўзи эса аллақачон қинғир йўллarda адашиб юрган кимсалар ҳам учраб туради.

Тошкент вилояти ички ишлар бошқармаси томонидан ҳудудда жамоат тартибини сақлаш ва хавфсизликни таъминлаш, ижтимоий-сиёсий ва тезкор кримоген вазият барқарорлигига салбий таъсир этувчи омилларни бартараф этиш, жиноят ва ҳуқуқбузарликларнинг олдини олиш борасида мунтазам равишда амалий тадбирлар олиб борилмоқда. Аниқланган ҳолатлар шуни кўрсатмоқдаки, ўз уйида яшаб туриб, одамлардан фойдаланиб даромад топаётган кишилар ҳам бор. Бундай тоифадаги кимсалар ноқонуний равишда дала ҳовли, сауналарда массаж хоналари ташкил этиш баҳонасида ахлоққа зид фаолият билан шуғулланиб келганликлари ойдinлашди. Ҳуқуқни муҳофаза қилувчи идоралар томонидан бундай «иш-

билармонлар» фаолиятига қонуний баҳо берилиб, нопок кимсаларнинг хатти-ҳаракатларига нисбатан чоралар кўрилмоқда.

Хусусан, вилоятнинг Бекобод, Оҳангарон, Янгийўл, Ўртачирчиқ туманларида рейдлар ташкил этилиб, ана шундай фаолият билан шуғулланиб келаётган шахслар аниқланди. Улар профилактик ҳисобга олиниб, тарбиявий ишлар йўлга қўйилди. Нопок ишларни ўзларига касб қилиб, қилмишларидан пушаймон бўлган бундай аёллар келгусида яна ҳуқуқбузарлик ва жиноят содир этишларининг олдини олиш мақсадида маҳаллий ҳокимликлар, хотин-қизлар кўмиталари, меҳнат ва аҳолини ижтимоий муҳофаза қилиш бўлимлари ҳамда ҳудудлардаги ўзини-ўзи бошқариш органлари вакиллари билан ҳамкорликда уларга мураббий бириктирилди.

Маҳаллаларда, ўқув юртларида йигит-қизларнинг ҳаётда ўз ўринларини топишлари, қинғир йўллarga кириб қолмасликлари, ёшларнинг одам савдоси қурбони бўлиб қолишларига йўл қўймаслик мақсадида учрашувлар, давра суҳбатлари ташкил этилди. Ҳуқуқий маданияти юксак ёшлар ҳеч қачон нопок кимсалар тўрига тушиб қолмайди.

Зиёдулла РАҲИМОВ,
Тошкент вилояти ИИБ
ҳуқуқбузарликларнинг олдини олиш
бошқармаси масъул ходими

■ Ta'limga e'tibor — kelajakka e'tibor ■

ҲАР БИР ЎҚУВЧИ — КАТТА ТАҚДИР ЭГАСИ

Фаллаорол туманидаги 29-мактаб

Тўйчи Худоёров номидаги сув истеъмолчилари уюшмаси ҳудудидаги Жарғоқ қишлоғида жойлашган. 2013 йилда фойдаланишга топширилган ушбу таълим муассасасида ёш авлоднинг замонавий билим олиб, келажакка пухта замин ҳозирлаши учун зарур барча шароитлар бор.

Бу ҳақда узоқ гапириб, вақтингизни олиш ниятимиз йўқ. Ҳамма гапни ўқитувчиларнинг ўзлари айтишади. Кўп йиллик педагогик тажрибага эга, бугунги кунда мактабга раҳбарлик қилаётган Тўлабой Туроновнинг айтишича, мактабнинг қандай эканлиги биносининг паст-баландлиги ёки унинг замонавий техник жиҳозлар билан таъминланганлиги билангина эмас, биринчи галда, ўқувчиларнинг илмга иштиёқи билан белгиланади.

— Мактабимизда 304 нафар ўқувчи ўқийди, — дейди Тўлабой муаллим. — Бу 304 нафар келажак эгаси ва шунча катта тақдир соҳиби деганидир. Уларга ўттиз уч нафар малакали ўқитувчи сабоқ беради. Кўриб турганингиздек, жамоамиз унчалик катта эмас. Лекин меҳнатга бўлган иштиёқ катта.

Ўқитувчиларимиз меҳнатининг самарасини ўқувчиларимизнинг фанларга бўлган қизиқишлари ортиб бораётганида кўраимиз. Масалан, ўқувчимиз Даврон Муродқосимов информатика фанидан ўтказилган олимпиаданинг Жиззах вилояти босқичида қатнашди. Унинг кўп тенгдошлари орасидан сараланиб, нуфузли фан олимпиадасининг вилоят босқичига етиб боришида ўқитувчи Жўрабой Назаровнинг ҳиссаси катта. Ўқитувчиларимиз келажакда бу каби кўрсаткичларни янада яхшилаш учун меҳнат қилишмоқда.

Эски, шароитлари ҳаминқадар бўлган мактаб ўрнида умуммиллий Давлат дастури доирасида бунёд этилган икки қаватли ўқув муассасаси бугун қишлоқ кўрки бўлиб турибди. Мактаб ҳовлиси

ям-яшил. Фарзандларимиз камол топадиган қутлуғ масканнинг шундай файзли қиёфа касб этишида қишлоқ оқсоқолларидан бири, Ўзбекистонда хизмат кўрсатган қишлоқ хўжалиги ходими Асад Абдуолимовнинг хизмати бор. Бутун умрини боғдорчиликка бағишлаган уста боғбон кўчат танлашда, кўкаламзорлаштиришда мактаб жамоасига яқиндан ёрдам берди. Вақти-вақти билан мактабга келиб экилган ниҳолларнинг ривожидан хабар олиб турди.

Асад Абдуолимов «Савронбек-Илҳом» фермер хўжалигини ташкил этиб, ҳар йили режа ва шартномаларни ошиғи билан бажаради. Ўтган йили олти беш тонна ғалла, 202 килограмм пилла етиштирди, сабзавот ва полиз экинлари ҳосилдорлигини ошириб, йилни муваффақиятли якунлади.

Асад Абдуолимовнинг фаолияти мактаб билан боғлиқ. У тез-тез ўқувчилар билан учрашиб, суҳбатлашади. Фермер бўлсам ҳам, ўзим қалбан ўқитувчиман, ҳаётимни мактабдан айро тасаввур қилолмайман, дейишни яхши кўради Асад ака. Қишлоқ ёшлари билан гу-

рунглашганда, албатта, тарих, адабиёт ва географиядан сўз очилади. Бу ўқувчиларга ҳам қулай. Улар мактабда олган билимларини зиёли фермер билан суҳбатларда мустаҳкамлаб олади. Тагин, экологиядан ҳам сўз боради. Тажрибали қишлоқ хўжалиги ходими ёш ҳамқишлоқларини табиатни асрашга ундайди. Айниқса, сувни исроф қилмаслик, атроф-муҳитни сақлашда ота-оналарга ёрдам беришга руҳлантиради. Тўятортар каналдан оқиб келадиган сувни лалмикор ерларга чиқариб боғ-роғлар барпо қилган ҳамқишлоқлари Тўйчи Худоёровнинг ҳаётини уларга ўрнак қилиб кўрсатади.

Мактабда ўқувчилар қалбига улғу аждодлар меросига нисбатан кечисиз ҳурмат туйғусини, уларга муносиб авлод бўлиш кўникмасини шакллантириш борасида ибратли ишлар қилинмоқда. Амир Темур, Мирзо Улуғбек, Алишер Навоий, Мирзо Бобур каби алломалар таваллудига бағишлаб ўтказилган маънавий-маърифий тадбирлар шулар жумласидан. Тадбирлар доирасида улар ҳаёти ва фаолиятига доир билимларини мустаҳкамлаш мақсадида ўқувчилар ўртасида кўрик-танловлар, жумладан, иншолар танлови, деворий газеталар танлови ўтказиб борилади.

Пардабой ТОЖИБОЕВ,
Жиззах вилояти

■ Ma'naviyat ■

МУНОСИБЛАР ТАҚДИРЛАНДИ

Наманган санъат коллежида «Юксак маънавиятли авлод» республика иқтидорли ёшлар фестивалининг вилоят босқичи бўлиб ўтди.

Таълим муассасаларида ўтказилган биринчи босқичда 53 минг нафар, шаҳар ва туманларда бўлиб ўтган иккинчи босқич беллашувларида 24 минг нафар, вилоят босқи-

чида 14 ёшдан 25 ёшгача бўлган 216 нафар иқтидорли йигит-қиз иштирок этди.

Турли соҳа мутахассисларидан иборат ҳакамлар ҳайъати иштирокчиларнинг ижодий ишларини «Президент асарлари билимдони», «Юксак маънавиятли авлод», «Ёш журналист», «Ўз асарларида миллийликни акс эттирган рассом», «Ўз асарларида миллийликни акс эттирган дизайнер», «Ёш санъаткор», «Энг иқтидорли хунарманд» каби номинациялар бўйича баҳолаб, биринчи, иккинчи ва учинчи ўринга муносибларни аниқлади.

Мусобақада Малика Азизхўжаева, Мафтуна Дадажонова, Бекзод Билолиддинов, Мухтасар Имомова, Севара Каримова, Асрорбек Абдухамидов, Абдумалик Деҳқонов сингари ўқувчи ва талабалар турли номинациялар бўйича голиб деб топилди.

Совриндорлар фестивалнинг диплом ҳамда эсдалик совғалари билан тақдирланди.

Сайфиддин МУҲИТДИНОВ,
Республика Маънавият тарғибот маркази Наманган вилояти бўлими раҳбари

■ Jonkuyar vatandosh ■

ТАЪЛИМ БЕШИГИ

Болалар турлича шароитда улғайиши мумкин. Ҳаммада шароит ҳар хил. Бироқ боланинг мактабга чиқиш вақти келганда, ота-она энг яхши сифатларга эга бўлган муаллимни излай бошлайди. Боланинг қобилияти ва истеъдодини юзага чиқаришда устоз-мураббийнинг ўрни бекиёс. Ана шундай ўқитувчилардан бири, ҳамкасбларига намуна бўлиб келаятган муаллима Бегимой



Норбўтаевадир.

Бошланғич синф ўқитувчиси Сирдарё вилояти Боёвут туманидаги 41-мак-

табда йигирма саккиз йилдан буён дарс беради. Узоқ йиллик фаолиятида жонкуяр муаллима вилоят, туман

ва мактаб фахрий ёрликлари билан тақдирланган.

Нуриддин МАҲКАМОВ
фотолавҳаси



Мессининг даври ўтдимми?!

Испаниянинг «Барселона» футбол клуби ўтказган сўровномада 37 фоиз муҳлис Лионел Мессини бошқа клубга сотиш тарафдори эканлигини билдирди.

Клуб ишқибозларининг фикрича, фақат Испания суперкубогини қўлга киритган жамоанинг мавсумдаги муваффақиятсизликларига айнан Месси айбдор. Муҳлислар бундан ташқари, дарвозабон Хосе Пинто (92 фоиз овоз), химоячилар Дани Алвеш (81 фоиз овоз), Хауиер Маскерано (53 фоиз овоз), ярим ҳимоячи Алекс Сонг (59 фоиз овоз) ва ҳужумчи Алексис Санчес (21 фоиз овоз) каби ўйинчиларнинг клубдан кетишлари учун овоз беришган. Месси жорий мавсумда «Барселона» таркибига қирқ олти расмий учрашувда майдонга тушиб, қирқ битта гол уришга муваффақ бўлди. «Барселона» клуби йигирма етти ёшли ҳужумчи билан ўн олтинчи май кунини имзолаган шартномасига кўра, унинг йиллик маоши йигирма миллион еврога етди.

Кўнгилисизлик

Колумбиянинг Фундасион шаҳрида автобус фалокати натижасида ўттиз икки бола ҳалок бўлди.

Маълум бўлишича, транспорт черковга кетаётган вақтда ёниб кетган. Шаҳар мэри Стелла Дюраннинг сўзларига кўра, 40-50 нафар болага фақат ҳайдовчининг ўзи қараб кетаётган бўлган. Унга яқин болага тиббий ёрдам кўрсатилган. Мамлакат президенти Хуан Мануэл Сантос ҳалок бўлганларнинг оила аъзоларига ҳамдардлик билдирди ва «ҳам ота, ҳам колумбиялик сифатида ўзида кучли оғриқ ҳис қилаётганини» алоҳида таъкидлади.

Соғлиқдан муҳим нарса борми?

Жанубий Кореянинг «Samsung» компанияси микросхемалар билан ишлаб, заводда оғир меҳнат қилган, оқибатда эса саратонга чалинган ходимларига товон пули тўлашини маълум қилди.

Аввалига товон пули тўлашдан бош тортган компания, узоқ суд можароларидан сўнг, омма олдида илк мартаба узр сўради. Корпорация директори Квон О Хен заводдаги иш шароити ва лейкомия касаллиги ўртасида боғлиқлик борлигини тан олмасда, бироқ ходимлар саломатлигига жиддий эътибор бермагани учун жавобгарликни бўйнига олди. Ҳозирга қадар, жабрланганларнинг сони аниқ эмас. Айтиш керак, сўнгги олти йил ичида компания устидан қирққа яқин шикоят тушган.

Энди у футболчи

Боливия президенти Эво Моралес мамлакатнинг футбол бўйича биринчи дивизионида иштирок этувчи «Спорт Бойс» клуби билан шартнома имзолади.

Эллик тўрт ёшли сиёсатчи бўш вақтларида футбол учрашувларига тортиб туради ва ўзиям майдонга тушади. Президентга клуб ойига 214 АҚШ доллари маош тўлайди. Унга ўнинчи ракамли футболка топширилди. Эслатиб ўтамиз, 2006 йили Эво Моралес журналистлар ва бошқа сиёсатчиларга қарши ўртоқлик учрашувида рақиб жамоа дарвозабонининг бурнини синдириб қўйган эди.

Интернет манбалари асосида
Жавоҳир КАРОМАТОВ тайёрлади

«Йилнинг энг ёш ихтирочиси» аниқланди

Техника соҳаси кундан-кунга ривожланаётир. XXI аср техника тараққиётининг янги босқичга ўтган давр сифатида тарихда қолиши шубҳасиз.

Биз ҳар куни техника воситаларига мурожаат қиламиз, улардан фойдаланамиз. Маиший техника кундалик ҳаётимизнинг ажралмас қисмига айлангани ҳеч кимга сир эмас.

Мамлакатимизда бошқа соҳалар билан бир қаторда, техника соҳасига ҳам алоҳида эътибор қаратилган. Мактаб ўқувчиларининг янгидан-янги ихтироларининг кенг жамоатчилик эътиборига ҳавола қилинаётгани, айниқса, қувонарли.

Яқинда Тошкент шаҳрининг Чилонзор туманидаги «Баркамол авлод» республика болалар техник ижодиёти мар-



казида мактаб ўқувчилари ўртасида «Соғлом авлод буюк ишларга қодир» шиори остида «Йилнинг энг ёш ихтиро-

чиси» кўрик-танлови бўлиб ўтганлиги юқоридаги фикри-мизни тасдиқлайди.

Кўрик-танловга тақдим этилган ихтиронинг бугунги кундаги аҳамияти, дизайни, техник талабларга жавоб беришига эътибор қаратилди.

Танлов якунига кўра, биринчи ўринни Бухоро вилояти Фиждунон туманидаги 2-мактабнинг 9-синф ўқувчиси Мухриддин Ҳайдаров ўзининг «Экологик уй» лойиҳаси билан қўлга киритган бўлса, иккинчи ўринни Жиззах вилояти Мирзачўл туманидаги 2-мактабнинг 8-синф ўқувчиси Эгамберди Абланбердиев қўлга киритди. Унинг сувни ҳаракатга келтирувчи техник мосламаси ҳакамлар ҳай-

атида ва танлов иштирокчиларида қизиқиш уйғотди. Учинчи ўрин эса «Ҳаракатланувчи экскаватор» ихтирочиси, Наманган вилояти Тўрақўрғон туманидаги 15-мактабнинг олтинчи синф ўқувчиси Мирзаакбар Абдусатторовга насиб этди. Бундан ташқари, «Энг долзарб лойиҳа» ва «Энг ёш иштирокчи» номинациялари совринлари ҳам ўз эгаларини топди.

Алибек ОМОНТУРДИЕВ,
«Turkiston» мухбири.
Рустам Назарматов
олган суратлар.

2014-yil — Soғ'lom bola yili



М.Исмаилов олган сурат

ЗУККО МУХЛИСГА САВОЛ:

«...ана шунда Шохимардон пири Ҳакимбекка ой Барчинни аташтириб, бешқирти қилиб: «Бу иккови эр-хотин бўлсин, Ҳакимбек билан ҳеч бир киши баробар бўлолмасин, омин оллоҳи акбар», — деб фотиҳани бетига тортиди». «Алпомиш» дostonидан келтирилган ушбу парчадаги «бешқирти» сўзининг маъносини айтинг.

Жавобингизни 23 май соат 16.00 га қадар 233-79-69, 233-95-97 рақамларига кўнгирак қилиб беришингиз мумкин. Биринчи бўлиб тўғри жавоб йўллаган мухлис номи газетамизда эълон қилинади.

Ўтган сондаги саволнинг жавоби: **Кассиус Клей.** Андижон шаҳридан Сардор Абдуманнопов, Наманган шаҳридан Абдумажид Жабборовлар тўғри жавоб йўллади.

Jarayon

МУЗЕЙЛАР ФАОЛИЯТИ КЕНГАЙМОҚДА

Республикамиз бўйлаб «Музейлар — бой тарихимиз ва бетакрор маданиятимиз хазинаси» мавзуида турли тадбирлар, ижодий учрашувлар, кўргазмалар давом этмоқда.

Ўзбекистон Маданият ва санъат кўргазмасида ана шу мавзу доирасида анжуман бўлиб ўтди. Анжуман Маданият ва спорт ишлари вазирлиги томонидан ташкил этилди.

Унда вазирлик ва музей ходимлари, мутасадди ташкилотлар ҳамда академик лицей, касб-ҳунар коллежлари битирувчилари, журналистлар қатнашди.

Тадбирда маданий меросимизни тарғиб қилиш, ёшлар маънавиятини шакллантиришда музейларнинг аҳамияти ҳақида сўз борди.

— Ўтказилаётган ушбу тадбирлар тарихимизни янада чуқурроқ ан-

лашга ёрдам беради, — дейди Ўзбекистон тарихи давлат музейи директори Жаннат Исмоилова. — Келгусида биз йигирма тўрт соат ишлайдиган музейлар фаолиятини ҳам йўлга қўймоқчимиз.

Анжуман доирасида «Эркин, ёш авлод сенга зўр қанот» мавзуида кўргазма ўтказилди. Унда хунармандлар ўзлари яратган асарлари билан қатнашди. Анжуман байрамга айланиб кетди.

Ажойиб куй-қўшиқлар, рақслар тадбирга янада шуқуқ бағишлади.

Шахло АБДУҚАЮМОВА,
«Turkiston» мухбири

YONDAFTARCHANGIZGA

Одамлар ўқишни тўхтатишлари билан, фикрлашдан ҳам тўхтайдилар.

Дени ДИДРО

Turkiston

МУАССИС:

«КАМОЛОТ»
ЁШЛАР ИЖТИМОЙ ҲАРАКАТИ
МАРКАЗИЙ КЕНГАШИ

Газета Ўзбекистон Республикаси Матбуот ва ахборот агентлигида 2007 йил 19 апрелда № 0242 рақам билан рўйхатдан ўтган.

ISSN 2010-6998



9 772010 699000

Бош муҳаррир ўринбосари:

Шукуров
Меҳриддин Эшқобилович

Таҳрир хайъати:

Баҳодир Ғаниев, Элмурод Нишонов (масъул котиб — «Turkiston»), Ирина Кочергина (бош муҳаррир ўринбосари — «Молодежь Узбекистана»), Елена Калинина (масъул котиб — «Молодежь Узбекистана»), Рустам Қосимов

Навбатчи муҳаррир:

Умарова
Наргиза
Баҳодировна

Саҳифаловчи:

Рўзиев
Зафар
Хусанович

Газета таҳририят компьютер марказида терилди ва саҳифаланди.

Таҳририят манзили: 100029, Тошкент, Матбуотчилар кўчаси, 32.
Телефонлар:
(371) 233-95-97. (371) 233-79-69
e-mail: info@turkiston.uz

«Шарқ» нашриёт-матбаа акциядорлик компанияси босмахонасида, А-3 форматда чоп этилди. Ҳажми — 2 босма табок.
Корхона манзили: «Буюк Турон» кўчаси, 41.

Индекслар: 203, 3203
Баҳоси келишилган нархда.

Буюртма Г-557.
Адади — 11926

Босишга топшириш вақти — 21.00
Топширилди — 23.20
ЎЗА якуни — 22.30

Офсет усулида босилган.

1 2 3 4 5